

佛出現轉正法輪化度聖衆如是彼諸聖賢皆悉發生菩提樂欲信求願等

大乘寶要義論卷第一

大乘寶要義論卷第二

宋西天三藏朝散大夫錢鴻臚少卿傳慈大師法護等奉詔譯

阿闍世王經云尊者大迦葉白妙吉祥菩薩言譬如初生師子隨生即有力勢凡所句詣或有群鹿纔聞師子之音皆悉奔竄設使大

力龍象若聞師子音時逼惱驚怖掣拽鎖縛鎖縛斷已奔馳四向山巖地穴徧求隱匿水族飛禽聞師子音亦悉驚怖妙吉祥若諸菩薩具慧力者亦復如是彼初發心菩薩纔發大菩提心即能勝過一切聲聞緣覺魔宮震動一切天魔咸生恐慄以恐慄故而悉不能安止其宮寶積經云佛言阿難於汝意云何譬若有人雙斷手足能活命不阿難答言手足雖斷其命尚活佛言阿難若或有人割裂其心是人能活命不阿難答言不也世尊佛

言阿難汝應當知我之弟子大目乾連及舍  
利子猶如手足而諸菩薩其猶我心阿難若  
有菩薩御大寶車以五欲功德作神通遊戲  
而無有人爲其駕御如來爾時爲彼菩薩力  
御其車以進前道若舍利子及目乾連修三  
解脫門若經一劫若遇一劫如來不復與其  
勤力而爲策進父子合集經云諸苾芻所有  
碗伽沙數等諸如來於碗伽沙數等劫中稱  
讚彼發一切智相應心者諸功德藏說不能  
盡何以故如來往昔修菩薩行曾無暫時不

發是心一切有情悉皆攝受隨攝受已於諸  
有情亦復不起所化度想所有無量諸有情  
界如來徧是有情界中歷修菩薩廣大勝行  
一一發心集諸福蘊所以者何諸苾芻有情  
界無盡以有情界無盡故如來廣修菩薩勝  
行一一發心集諸福蘊亦復無盡如來秘密  
星六  
經云若諸菩薩發菩提心修勝行者令三寶  
種不斷不絕又云菩薩菩提心所生福蘊悉  
用迴向一切有情如是迴向功德滿虛空界  
而復過上彼一切有情福蘊所攝悉由菩薩

菩提心轉法集經云菩薩發菩提心覺悟一切法知一切法與法界等而一切法無所從來及無所止亦不可知然以如量智知法性空令一切有情亦如是覺了菩薩若如是發心此說是爲菩薩菩提心利樂一切有情心無上心大慈柔軟心大悲無倦心大喜不退心大捨無垢心空無異作心無相寂靜心無願無住心

此中應問云何以少善根迴向一切智乃至坐菩提場於其中間而不盡耶答如無盡意

經云佛告尊者舍利子言譬如一滴水入大海中乃至窮劫於其中間而不能盡菩薩以少善根迴向一切智亦復如是乃至坐菩提場於其中間亦不能盡善巧方便經云或有菩薩見貧窮者起悲愍心施以少飯如佛所說此心廣大名最上施何況諸所施法其施雖少而一切智心功德無量賢劫經云星王如來於聲授如來所初發菩提心彼星王如來昔爲牧牛人以末俱羅華供施因緣從是發心名稱如來於電光如來所初發菩提心

彼名稱如來昔爲織師以妙氈邊縷供施因  
緣從是發心明燄如來於無邊光如來所初  
發菩提心彼明燄如來昔爲守城人以一草  
燈供施因緣從是發心難勝如來於堅固步  
如來所初發菩提心彼難勝如來昔爲樵人

呈六

十二

以齒木供施因緣從是發心功德幢如來於  
妙稱如來所初發菩提心彼功德幢如來昔  
爲汲水人以盛水器供施因緣從是發心力  
軍如來於大譬喻如來所初發菩提心彼力軍  
如來昔爲醫王以一菴摩勒果供施因緣從

是發心寶積經云若或有人爲求阿羅漢果  
故以摩尼寶充滿無邊世界而行布施有菩  
薩乘人見已發一切智相應隨喜心而此相  
應隨喜所有福蘊比前布施福蘊百分不及  
一乃至烏波尼殺曇分亦不及一

問云何善薩而能勝出彼前布施答以迴向  
一切智故如般若波羅蜜多經云佛言舍利  
子善薩摩訶薩若欲勝出一切聲聞緣覺所  
修布施持戒忍辱精進禪定智慧者應當一  
發一切智相應隨喜心修學般若波羅蜜多

以大悲心而爲先導而諸菩薩然後發菩提心是故當知大菩提心者大悲爲先導此何能知耶如菩薩藏經云若諸菩薩欲求菩提應以大悲而爲先導譬如士夫所有命根以出入息而爲先導諸菩薩摩訶薩亦復如是

星六

十三

於所集大乘法中以大悲心而爲先導又如轉輪聖王於諸寶中以其輪寶而爲先導菩薩摩訶薩亦復如是於一切佛法中以大悲心而爲先導又云諸菩薩於已過失常行伺察於他過失悲心護念無畏授所問大乘經

云佛言長者若諸菩薩爲欲成就大菩提者當於一切有情起大悲心於自身命不生愛著乃至一切財穀舍宅妻子飲食衣服乘輿牀座香華塗香等一切樂具悉不應著何以故長者多諸有情於身命等皆生愛著以愛著故廣造罪業墮惡趣中若復有情起大悲已於身命等不生愛著以不著故生於善趣復能於彼一切有情運心廣行布施等行一切善法相應而作修菩薩者以大悲心而成其身此云何知如寶雲經云佛言善男子若

諸菩薩具十法者是爲大悲所成其身何等  
爲十一者見一切有情爲苦逼迫無救無依  
無歸趣者見已應發大菩提心爲作依怙二  
者發菩提心已令彼有情得法成就三者隨  
所得法爲諸有情作大利益四者惺恪有情  
令住布施五者若毀禁戒令修淨戒六者若  
多忿恚令住忍辱七者若多懈怠令發精進  
八者若多散亂令修靜慮九者諸無智慧令  
得勝慧十者一切有情極苦所逼菩薩普爲  
息除令於菩提不爲障難如是名爲十法總

持自在王問經云菩薩或見一類有情貪愛  
所纏於自妻子眷屬而生耽染以愛羣故不  
得自在菩薩如應爲說法要令解愛纏使得  
自在菩薩爲諸有情起大悲心故或見一類  
有情起忿恚心互相違損生多過失菩薩如  
星六應爲說法要使今斷除忿恚過失菩薩爲諸  
有情起大悲心故或見一類有情爲惡友攝  
十四故遠離善友常造罪業菩薩如應爲說法要  
使今常得親近善友遠離惡友菩薩爲諸有  
情起大悲心故或見一類有情最極貪愛不

知厭足遠離勝慧菩薩如應爲說法要令斷  
貪愛發生勝慧菩薩爲諸有情起大悲心故  
或見一類有情謂無業報執斷執常菩薩如  
應爲說法要令入甚深緣起知諸業行菩薩  
爲諸有情起大悲心故或見一類有情以其  
無明癡暗所覆取著我人有情壽者菩薩如  
應爲說法要使令慧眼清淨斷諸見執菩薩  
爲諸有情起大悲心故或見一類有情耽味  
生死執著五蘊如殺害者菩薩如應爲說法  
要使令出離一切三界菩薩爲諸有情起大

悲心故或見一類有情爲彼魔索之所纏縛  
若愛若惡皆生住著菩薩如應爲說法要使  
令解脫魔索纏縛斷除愛惡所住著心菩薩  
爲諸有情起大悲心故或見一類有情鬲涅  
槃門關惡趣戶菩薩如應爲說法要使令彼  
等關鬲涅槃門扃惡趣戶菩薩爲諸有情起大  
悲心故發善是心若於菩薩忍法有毀謗者星大十三  
彼生欺慢心於法障難欲令菩薩遠離忍法  
菩薩當知是魔事起信力入印法門經云佛  
言妙吉祥假使有人於一切世界極微塵等

一切有情所有善根悉爲障難若復於一優婆塞無異師尊具修十善業者彼少善根而爲障難如是之罪倍勝於前阿僧祇數假使有人於極微塵等一切世界諸優婆塞所有善根悉爲障難若復有人於一苾芻所彼少善根而爲障難如是之罪倍勝於前阿僧祇數如是次第若於隨信行人隨法行人須陀洹斯陀含阿那含阿羅漢八人地及緣覺人半車行菩薩人象車行菩薩人日月神通行菩薩人聲聞神通行菩薩人等若或有人於

是極微塵等一切世界諸聲聞神通行菩薩人所諸有善根悉爲障難若復有人於一如來神通行菩薩所彼一善根而爲障難起欺慢心生忿恚者如是之罪倍勝於前阿僧祇數假使有人於十方一切世界極微塵等一切有情挑取其眼而復劫奪一切所有資生財物若復有人於一菩薩所起欺慢心而生忿恚罵辱毀訾加復觸娆如是之罪倍勝於前阿僧祇數若或有人於菩薩所隨以何緣起欺慢心生忿恚者由是罪業墮大號斗地

獄身量五百由旬有五百頭其一一頭有五百舌而一舌有五百犁以耕其舌有大熾談假使有人於三千大千世界一切有情所皆以刀杖而打斫之加復侵奪所有一切資生財物若復有人於菩薩所起欺慢心而生忿恚及懷損惱如是之罪倍勝於前阿僧祇

星六  
十六

嚴飾皆悉破壞若復有人於信解大乘菩薩所同植大乘種已隨以何緣起欺慢心而生忿恚罵辱毀訾加復觸燒如是之罪倍勝於前阿僧祇數何以故以菩薩能生諸如來故使令佛種不斷絕故若有毀謗菩薩者是即毀謗正法若毀謗菩薩者彼無別法可攝受故唯菩薩法而能攝受假使有人於十方一切世界諸有情所悉生忿恚若復有人於菩薩所生忿恚已捨而背之不樂瞻視如是之罪倍勝於前阿僧祇數假使有人於閻浮提佛塔廟諸寶所成及寶欄楯豎立幢旛殊妙

一切有情而悉殺害加復侵奪一切所有若復有人隨於一菩薩所而生毀謗如是之罪倍勝於前阿僧祇數慈氏師子吼經云若菩薩於滿三千大千世界一切有情所悉生忿恚罵辱捶打而彼菩薩亦復不爲壞失損惱

若此菩薩或於一菩薩所一起忿恚心雖極少分而此菩薩是爲陷失損惱何以故彼一

菩薩經爾所劫被忍辱鎧常不捨離一切智心是故此菩薩不應於彼暫生忿恚妙吉祥神通遊戲經云佛言妙吉祥汝今當知諸言

損害者謂百劫中積修善根別壞失此名損害修菩薩行者應如是知若於佛世尊所作不饒益得大罪報作諸饒益者獲大福蘊

## 大乘寶要義論卷第二

### 音釋

優曇梵語具云優曇鉢羅藥

如累切龍盧

此云瑞應雲徒南切藥花蘋也

音東

切耳無痠瘡也

烏下切

慳疾慳苦閑切惱也

賢曰嫉

騷蘇遭殃也

迦梵語也

此云天堂來

鉢切

殞死也

奔竄齊博昆切走也

掣拽列切

永樂北藏

大乘寶要義論

第一二六册

撓切引也搜羊鎖縛縛符鍼切疊徒協切細繩蘇果切耗毛布也